

समा. 09.20 Hrs

Headlines

1. पशमीना उद्यमिणं ते कारीगरं दे डेलीगेशन ते आई.सी.आई.सी.आई बैंक दे ज़ोनल प्रमुख होंरें उपराज्यपाल मनोज सिन्हा हुं'दे'नै मलाटी कीती।
2. मुखमंत्री उमर अब्दुल्ला होंरें एलोहा नेशनल लेवल कम्पीटीशन-2026 आहले समारोह गी संबोधित कीता ते प्रदेश दे स्कूलें च एलोहा मेन्टल एरिद्धेटिक प्रोग्राम गी आहने दी जरूरत पर जोर पाया।
3. जम्मू-कश्मीर च शराब पर बंदिश दी मंग आहले त्रै प्राइवेट मिम्बर बिलें गी अज्ज असैम्बली दे कम्मकाज आहली सूचि च शामिल कीता गेदा ऐ।
4. वायु सेना प्रमुख एयर चीफ मार्शल ए.पी. सिंह होंरें फौज दी उत्तरी कमान दा दौरा लाइयै मजूदा सुरक्षा हालात ते बलें दिणं तैयारिणं दा जायजा लैता।
5. सेहत मंत्री स्कीना इत्तू होंरें आखेआ ऐ जे रोकथाम ते सेहतमंद जीवन शैली दे राहें आर्युवेद अज्ज आधुनिक सेहत सेवाएं दा पूरक बनी गेदा ऐ।



LG- PEMA Delegation

पशमीना कन्नै जुड़े दे उदयमियें, निर्माताएं ते कारीगरें सरबन्धी फाउंडेशन-PEMA दे इक डेलीगेशनै कल उपराज्यपाल मनोज सिन्हा हुंदे'नै मलाटी करियै उनें'गी फाउंडेशन दे आयोजित होने आहले पशमीना कारीगर पुरस्कार समारोह बारे जानकारी दिती। तोंआई ICICI बैंक दे जम्मू-कश्मीर ते लद्दाख दे ज़ोनल प्रमुख संदीप शर्मा होरें बी कल एल.जी हुंदे'नै मलाटी कीती।

<><><><><><>

CM ALOHA

मुख्यमंत्री उमर अब्दुल्ला होरें जम्मू-कश्मीर दे सरकारी स्कूलें च 5 शा 13 बरें दी उम्री दे बच्चें लेई अंतर्राष्ट्री मानसिक विकास कार्यक्रम- ALOHA mental arithmetic प्रोग्राम आहने दी जरूरतै पर जोर पांदे होई आखेआ ऐ जे बच्चें गी शिक्षा प्रणाली च इक ऐसा स्तर हासल होना लोड़चदा ऐ जेहड़ा उ'नेंगी लोड़चदे हुनर कन्नै लैस करने दे कन्नो-कन्नी राश्ट्री ते अंतर्राष्ट्री सतह उप्पर मुकाबलेबाजी जोग बी बनाई सकै। श्रीनगर दे एस.के.आई.सी.सी. च आयोजित ALOHA National Level Competition-2026 Kashmir दरान भाशण दिंदे होई उमर होरें आखेआ जे सेहत ते शिक्षा दे खेत्तर, सरकार दिआं द'उं सबनें शा बड्डी ज़िम्मेदारियां न ते खित्ते दे पूरे-पराते विकास लेई एकड़े खेत्तरें च लगातार ते टिकाउ निवेश दा होना अत्त लाज़मी ऐ। मुख्यमंत्री होरें आखेआ जे शिक्षा दे बगैर किश बी हासल नेई कीता जाई सकदा।

<><><><><><>

LA Pvt Members' Bills

जम्मू-कश्मीर च शराब पर बंदश दी मंग आहले त्रै प्राईवेट मिम्बरें दे बिल अज्ज जम्मू-कश्मीर विधानसभा दे कम्मकाज आहली सूची च शामिल कीते गेदे ना। ध्यानजोग ऐ जे इस ब'रे जम्मू च फरवरी ते अप्रैल महीनें दरान लाए गेदे विधानसभा दे बजट इजलास दे दरान एकडे बिलें पर चर्चा नेई होई सकी ही। उ'आं इ'नें बिलें गी अज्जै लेई सूचिबद्ध कीते गेदे पैहले 5 बिलें च थाह हासल होई दी ऐ इसकरियै ऐसा मन्नेआ जाई सकदा ऐ जे इ'दे पर चर्चा कीती जाई सकदी ऐ कीजे विधानसभा दे मजूदा इजलास दरान प्राईवेट बिलें लेई द'उं ध्याड़ें दा समां मुकर्रर कीता गेदा ऐ। विधानसभा सचिवालय आसेआ जारी कम्मकाज सरबन्धी कार्यक्रमै मूजब, असैम्बली च प्राईवेट मिम्बरें दे कुल 35 बिलें गी सूचिबद्ध कीता गेदा ऐ। अज्जै दे अलावा औंदी 28 सितम्बर दा ध्याड़ा बी इ'नें बिलें लेई आरक्षित रक्खेआ गेदा ऐ।

<><><><><><>

CS-Temple Inauguration

मुख्य सचिव अटल डुल्लू होरें श्रीनगर च नमें सोआरे गेदे शीतल नाथ मंदर दा उदघाटन कीता। उ'नें इय्यै जनेई विरासती थाहरें गी सहजने दी जरूरतै पर जोर पाया। हिंदू मान्यताएं मूजब शीतल नाथ होरें'गी 8 भैरों चा इक मन्नेआ जंदा ऐ। उ'नें आखेआ जे एह साहड़ी विरासत ऐ ते साहड़ी सारें दी समाज दे तौर पर जिम्मेदारी ऐ जे इनें'गी अस बचाचै। मगरा मीडिया कन्नै गल्ल करदे होई अटल डुल्लू होरें आखेआ.

<><><><><><>

Bank Open –Sunday

खजाना मंत्रालय नै दस्सेआ ऐ जे ग्राहकें दी सहूलत आस्तै सारे सार्वजनिक क्षेत्र दे बैंक ते क्षेत्रीय ग्रामीण बैंक ऐतवारें 27 सितम्बर गी खुल्ले दे रौहगंन। मंत्रालय नै आखेआ ऐ जे एह गैह यूनाइटेड फोरम ऑफ बैंक यूनियंस –UFBO आसेआ 28 थमां 30 सितम्बर तगर प्रस्तावित त्रै दिन दी राश्ट्रव्यापी बैंक हड़ताल दे चलदे पुट्टी गई ऐ। हड़ताल थमां पैहले 26 ते 27 सितम्बर गी बैंकें दी पैहले थमां गै छुट्टी ऐ। एदे चलदे एह आदेश जारी कीता गेआ ऐ। भारतीय रिजर्व बैंक नै सारी बैंक शाखाएं, दफ्तरें, ATM कन्नै जुड़ी दिएं शाखें ते Currency Chestएं गी ऐतवारें पूरी चाली चालू रखने दी मंजूरी दिती ऐ।

<><><><><><>

CAS-NC Visit

वायु सेना प्रमुख एयर चीफ मार्शल A.P. सिंह होरें बड़े मते सामरिक महत्वा आली उत्तरी कमान थेटर दा दौरा लाइयै, मजूदा सुरक्षा हालात ते कार्रवाईएं सरबन्धी तैयारिएं दा जायजा लैता। रक्षा मैहकमे दे इक प्रवक्ता नै दस्सेआ जे उत्तरी कमान दे जनरल आफिसर कमांडिंग इन-चीफ लैफ्टिनेंट जनरल प्रतीक शर्मा होरें वायु सेना प्रमुख होरें'गी कमान दे उधमपुर हैडक्वाटर च संचालन सरबन्धी मुख तौर-तरीकें ते अंतर सेवा तालमेल आली पैहलकदमियें दे बारे च जानकारी दिती। बलें दी कार्रवाईएं सरबन्धी समर्थ च पूरा विश्वास जतांदे होई वायु सेना प्रमुख होरें गलाया जे वायु सेना दी पच्छमी कमान ते सेना दी उत्तरी कमान ने हर स्तर पर बड़े बधिया तालमेल दा प्रदर्शन कीता ऐ।

<><><><><><>

Itoo Ayurveda Day

सेहत ते मैडिकल शिक्षा मंत्री स्कीना इतू होरें आखेआ जे सेहतमंद समाज गी छड़ा अस्पतालें ते दोआइएं दी गै लोड़ नैई ऐ। सगुआ समाज च जागरुकता, सेहतमंद जीवनशैली बारे जानकारी ते कुदरती संसाधनं दा

जिम्मेदारी कन्नै इस्तेमाल कियां करना ऐ, इस बारे बी पता होना लाज़मी ऐ। एह गल्ल उ'नें आयुष निदेशालय आस्सेआ 11में आयुर्वेद दिवस दे सरबंध्यै च लोआए गेदे कार्यक्रम गी सम्बोधित करदे होई आखी। एदा सरिस्ता सेहतमंद कल लेई आयुर्वेद विशेसार तैहत कीता गेआ। मंत्री होरें आखेआ जे आयुर्वेद साहडे रिवायती ज्ञान दा इक महत्वपूर्ण हिस्सा ऐ, ते इसी हुन दुनिया भरै च बी पंछान थोआ रदी दी ऐ।

<><><><><><>

Kiwi Grower Udh

उधमपुर जिले दे चनैनी इलाके दे बसनीक 60एं ब'रें दे साबका फौजी असलम भट्ट ने अपनी जिमी पर आर्गेनिक कीवी दी काश्त करियै होरनें लेई इक मिसाल बना करदे ना। असलम होरें बागवानी सरबंधी आधुनिक तौर-तरीकें गी अपनाइयै अपनी तकरीबन 6 कनाल जिमीं पर कीवी दी खेती कीती दी ऐ ते हर ब'रे उ'नेंगी तकरीबन 18 शा 20 क्विंटल बधिया किस्मै दी कीवी हासल होआ करदी ऐ। असलम हुं'दी एह कामयाबी खित्ते च बधिया किस्मै दी बागवानी फसलें आहली समर्थ गी दर्शादी ऐ ते कन्नै इब्बी दस्सदी ऐ जे किस चाल्ली करसान-बागवान, रिवायती फसलें थमां अगगे बधियै होरनें लेई मिसाल कायम करी सकदे ना। इस बारै अपने बचार सांझे करदे होई मोहम्मद असलम भट्ट होरें आखेआ

उधमपुर दे मुख बागवानी अधिकारी ब्रिज वल्लभ गुप्ता होरें बी इस सरबंध्यै च अपने बचार सांझे कीते।

<><><><><><>

Adolscent Education-Rbn

रामबन जिले च किशोर उम्री दे बच्चें दी शिक्षा बारै स्कूली अध्यापकें लेई इक सिखलाई कार्यक्रम करोआया गेआ। जिला शिक्षा ते सिखलाई संस्थान - डाईट बनिहाल आसेआ आयोजित कीते गेदे इस कार्यक्रम दा आयोजन जम्मू-कश्मीर स्कूली शिक्षा बोर्ड ते जेएंडके एड्स कन्ट्रोल सोसायटी दे सैह्योग कन्नै कीता गेआ। ज़ोन

दे बक्ख-बक्ख हिस्सें थमां स्कूली अध्यापकें एह्दे च हिस्सा लैता। उ'आं इस कार्यक्रम दे आयोजन दा मुख
मकसद 10 शा 19एं ब'रें दी उम्री दे किशोरें दे शारीरिक, मानसिक ते समाजी कल्याण दी स्थिति, एचआईवी
ते एड्स दी रोकथाम ते सामान्य साफ-सफाई दे बारै च जागरूकता पैदा करना ऐ। इस बारै होर जानकारी
कन्नै रिसोर्स पर्सन ते डाईट रामबन दे टीचर शाहनवाज़ गनी

<><><><><><>